


II h
325

AD
PIETATIS OFFICIUM SUPREMO NUMINI
PRO
PACTIONE NUPTIALI
A
SERENISSIMO PRINCIPE AC DOMINO
DOMINO
L V D O V I C O
PRINCIPE HEREDE NASSOVIAE
AC COMITE PONTIS SARAVI REL
CVM
SERENISSIMA PRINCIPE AC DOMINA
DOMINA
**WILHELMINA SOPHIA
ELEONORA**

PRINCIPE SCHWARZBURGI REL
FACTA AC SOLLEMNITER CONSUMMATA
IN GYMNASIO NOSTRO DIE 24th NOV. PRAESTANDVM
PERILLVSTRES ATQ. EXCELLENTISS. SACRI SENATVS
PRAESIDEM SPLENDIDISSVM MAGNIF. PRAENOBILISS
PLVRIMVM VENERABILES CETEROSQ. FAVTORES
ET AMICOS

PRO EO AC PAR EST
INVITAT



DE SERTO CONNUBIALI
QVAEDAM PRAEFATVS

M. FRIDER. NIC. VLRICH
GYMN. FRIDERICIANI DIR

RVDOLPHPOLI, LITTERIS HERED. LOEWIANOR

METATIS OFFICIVM SVPERIO NININ

PACTONE VVPTIARI

SEPTISSIMO PRVCTE AC DOMINO

D O M I N O

L V D O V I C O

REINICH HERZOG VON SACHSEN

SEPTISSIMA PRVCTE AC DOMINO

WILHELMINA SOPHIA

ELIZABETHA

FRVCTE SCHWARZBURGII

FRVCTE SCHWARZBURGII

FRVCTE SCHWARZBURGII

FRVCTE SCHWARZBURGII

FRVCTE SCHWARZBURGII

FRVCTE SCHWARZBURGII

FRVCTE SCHWARZBURGII

FRVCTE SCHWARZBURGII

FRVCTE SCHWARZBURGII





Quamquam et tempora, et mores, mutantur, mortaliumque animi, utpote uarii ac instabiles, rerum nouarum studio maxime oblectantur, mos tamen ille, non minus sponsi, quam sponsae, capita coronis redimiendi, ut apud priscos, sic etiamnum apud nos, obtinet. Non est, quod copiose anquiratur, ex qua materia eiusmodi coronae nuptiales pro diuerso temporum genio fuerint plexae, siquidem in primordio ex uersicoloribus aequae floribus, ac fragrantibus, ueluti rosis, praecipue autem ex myrto, in ueterum monumentis contextae tradantur. Vbi uero hominum ingenia a natura, simplicissima duce, degenerare, nec non luxuriare, coeperunt, spicae, asparagi, rosae Lusitanae, Locrenses floreae, ac sisymbrium, adhibebantur, quin immo oliuae, ac lignae, ex tiliae libro pictae, leguntur confertae. Necti tandem coeperunt ex aureis floribus, adiecto pretioso gemmarum decore, qui tamen flores aurei, et figura, et colore, naturales imitabantur. Quibus coronamentis non modo recens nupti, uerum

* 2

quo.

quoque eorum affines, domestici, conuiuiaque singuli, erant conspicui, quin immo ipsae ianuae, uestibulum, omnesque aditus domus, in qua nuptiae fiebant, olea et auro redimita conspiciebantur.

Equidem sequiori aevo Imperatoris Vespasiani interdicto neogami ab eiusmodi fertis sese abstinere coacti sunt, primique Christi aefclae coronarum usum non uniuerse modo, sed etiam sigillatim, in connubiis concelebrandis auersabantur, uix ulla alia adducti re, quam quod oculis suis uiderent, quam praepostere ac superstitionose a gentibus profanis ad honorem Numinum commentitorum, atque ad cultum cacodaemonum, connubialia ferta usurparentur. Infecutis uero temporibus, ubi, otio Christianae religionis cultoribus diuinitus reddito, haud pauca iis erant concedenda, qui aetate fere iam prouectiores ab idolorum cultu ad Sacra Christiana transgressi ea aegre mittebant, quibus per longum temporis spatium erant imbuti, efficiebatur, uti haec nouos coniuges coronandi consuetudo, in se omnis labis expers, quasi postliminio Imperatorum Christianorum suffragio rediret, ac sensim pedetentimque ita inualefceret, ut hac nostra tempestate toto, qua patet, orbe Christiano usu sit recepta, omni tamen superstitione remota, ac in meliorem sententiam conuersa.

Quodsi ergo quispiam quaesierit, quid coronae nuptiales hac nostra memoria sibi uelint, quidue innuant, sic habeto. Principio sunt symbolum uictoriae ac promeritorum. Matrimonii uinculo arctissimo coniuncti, se de hoste interiori, prauis, puta, cupiditatibus triumphasse, et corporis integritatem indelibatam, neque praecerptam, neque praefloratam, conseruasse, suo seruo nuptiali declarant. *Quid enim sibi uult corona, quaerit Chrysofostomus alicubi, nisi ut ostendant coniuges, se usque ad id tempus uictores cupiditatum fuisse.* Quo etiam fit, ut in secundis

cundis nuptiis, earumque apparatu, nuptiales coronae more ubique receptissimo omittantur. Honoris porro iudicium esse coronas, modo memoratas, nemo, rerum intelligens, in dubium uocauerit. Auctoritate enim diuina aequae, ac exemplis quarumuis gentium moratorum, ordo coniugalis suum honorem dignitatemque tueretur, eosque in foro humano debita manet poena, qui coniugii sanctitatem temerant, ac iura illius, omni posthabita religione, proterue uiolant. Atque inde est, cur dies, quo desponsari ad societatem hanc inuiolabilem, quam iniere, inaugurantur, apud nos, *der jungen Eheleute Ehrentag*, uulgo appelliteretur. Relinquitur extremo, ut paucis addamus, qua ratione corollae nuptiales in hunc usque diem pro *laetitiae* quoque signo sint habitae. Cum enim lux, quae matrimonii iura confirmat arctissimisque uinculis coniugum pectora constringit, simul sit praenuncia solidissimorum gaudiorum, quae ex suauissima animorum, uirtute insignium, conspiratione, nec non ex mutuo molestiarum uitae huius caducae alleuamento, non possunt non gigni, illa iure meritoque pro die laetitiae pectoris ducitur, ac digna, quae liquidis animis atque exporrecta fronte, excipiatur, et qua singuli, tori fociis pietate ac fide obstricti, ad mutua gaudia, ad specum coronae connubialis, utpote laetitiae symboli, inuitentur.

Quodsi uero exempla rem et dicta illustrent, talismodi *laetitiae coronam*, nobis admirandam tenerandamque nunc ostendit dies ille faustissimus, quo haud alter desiderabilior, et quo per auspiciatissimum connubii foedus Schwartzburgicae regiones cum omnibus, quos prisci aetui candor commendat, ciuibus laetitia complentur impensa. *Serenissimus Princeps LVDOVICVS, Heres Nassuicae, ac Comes Pontis Sarauis*, et sagatus, et togatus, *Heros*, nostram salutat, diuina prouisione duce, Aulam, ad decus et honestum compositam instructissimamque. Teneatur eius

modi instructione prudentissima, ac prouti uirtutibus, quae in Principum personas cadunt, *Ipsē fulget, sic earundem praestantiam Secum admiratur in Serenissimi Patriae Patris nostri Filia nata iuniore, WILHELMINA SOPHIA ELEONORA.* Regressus ad patrias sedes, ambit, qua maxime capitur, WILHELMINAM. *Serenissimus Patriae Parens noster FRIDERICVS,* pro ea, qua pollet, prudentia, re tanti momenti ponderata, ad petitum consentit, pactiones dotales conficiuntur, *Serenissimus sponsus* redit ipse Melapyrgum, sedem illam, antiquitate, auorum promeritis, ac posterorum dignitatum incrementis, inclitissimam. Ritibus sacris ibidem ad d. III. Kalendas Nouembres connubii foedere iunguntur *Augustissima* haec duo *Pectora,* inspectantibus Aulae proceribus, compluribusque aliis, et aduenis, et inquilinis. Tormenta ab hora septima uespertina exploduntur, eorumque fragor e longinquo ipsi Rudolphipoli significat, rem maximam actam esse, nec uanam inde natam gaudendi materiem, quae in disciplina domestica FRIDERICI NOSTRI, ceu stirpe, fundetur. Ac profecto est illa ingenuae ac piae cuiusdam uoluptatis plena cogitatio, quae animum nostrum nonnunquam subit, quod publicam utilitatem regnorum ac nationum ita priuatis Principum commodis innexam diuinitus implicitamque obseruamus, ut tanto ipsi sint feliciores Principes, rebusque omnibus beatiores, quo maius studium ad rem publicam tuendam ornandamque attulerint, et ipsa, ab altera parte, imperantium felicitas maximum ad ciuium commoditates momentum afferat. Habet hoc FRIDERICVS Princeps, quem Deus amet, et bonis omnibus augeat. Habet hoc quasi praemium curarum suarum, ac laborum, in publicam rem impensorum, ut parua per eximiam prorsus educationem paternam, diuinaque gratia, ad quam omnia refert, adiutam, felicitate, et Ipse, et per Ipsum ciues, frui queant. Quotus quisque enim est, quin sciat, quan-

quantam diligentiam, eamque accuratissimam, ut in AVGVSTA, sic in WILHELMINA, praeclare educanda adhibuerit, et, quibus litteris, artibus, sententiis, moribus imbueretur, prouiderit sapientissime, ac procurauerit adeo, ut non tantum felicitatis huius in se ipso, hoc est dicere, in paterna cura praesidia haberet certissima, sed praeter cetera optimam marito, quicumque felix ille esset, dotem afferret, purissimam sanctissimamque ex conuictu illius, amicitia, perpetua uitae consuetudine, uoluptatem. Cum enim ipso auctoris naturae nostrae consilio alter sexus ad hoc natus factusque sit, ut illius ope, illius dulcedine atque humanitate, quae aspera habet etiam summorum Principum uita, emolliantur et reddantur tolerabiliora, tum uix fieri potest, quin WILHELMINA, nobilissimo sanguine orta, incredibiliter multum allatura sit ad perpetuam celsissimi LVDOVICI sui uitae iucunditatem, idque tanto magis, quod in singulos dies noua sui mariti decora, nouos generosi pectoris motus, noua crescentis in Ipsam amoris pignora, nouam gratulandi materiam, nouas gratias agendi occasiones, laeta inueniet, quemadmodum Ille uicissim recentes quotidie castissimi amoris illecebras, noua purissimi atque integerrimi animi documenta, noua amabilissimae cuiusdam comitatis atque obsequii experimenta, hoc est, totidem fomenta amoris, totidem felicitatis suae argumenta et accessiones, obseruabit.

Gaudeat igitur FRIDERICVS de connubio WILHELMINAE suae felicissimo! Gaudeat ac uideat sua quaeuis paterna uota ac spem per Illam non ex animi modo sententia completa, sed quoque superata! Gaudeat ac uideat, de propagine sua et exterarum regionum salutem, ac Principum Domos, propagari! Gaudeat ac uideat denique utraque coniugii huius desideratissimi *Serenissima Gens* in eiusdem prosperitate perpetua uotorum suorum complementa, omnibus numeris absoluta.

Pergant,

AK Th 325

X 337686A

Pergant, extremo quod primis in uotis est, LVDO-
 VICVS ac WILHELMINA uiam suam in terras Sarae-
 pontanas, Deo duce, coelo fauente, et pede inoffenso,
 cum comitatu suo! Eorum exoptatissimo aduentu *Seuerissimi*
Parentes summo perfundantur gaudio, *Filiusque Heres* ac
Nurus iucundissima, tenerrimis complexibus ab iisdem exce-
 pti in deliciis habeantur. Videant laetissimi quosuis ciues,
 pietate ac fide obstrictos sibi obuios, ac in gaudium effusos,
 audiant eorum uotiuas acclamationes intima cum animi
 uoluptate, experianturque, pia illorum uota supremum Dei
 Numen rata fecisse! Publicae huius laetitiae, quam pagi-
 na non capit, interpretes mecum copiosiores futuri sunt
 tres (*) Gymnasii nostri adolecentes. Quos ut Perillustres
 atque Excellentiss. Magnif. Praenobilissimi, ac summe Re-
 uerendi, Ephori, Patroni ac Fautores, ut consuerint,
 gratiosi ac beneuoli audire ne dedignentur, est, quod omni
 qua decet, obseruantia rogamus. Scribebam ex museo,
 ipsis Kalendis Nouembribus, A. R. S. CIO DCCCLXVI. ou

- (*) I. CAROL. GVILIEL. LOEBER, Seeberg. pertinax dili-
 gentiae ac bonae mentis, *Candidam Junonis manum* pa-
 trio sermone interpretabitur.
- II. CHRISTIAN. NIC. KOEHLER, Schwarzburg. cuius felix
 in litteris conatus, moresque placidi, *cum harmonia musica*
coniugium harmonicum sermone uernaculo comparabit.
- III. CAROL. GVILIEL. DE WILLISSEN, Eques Halberstad.
 cuius animi dotes, et erecta indoles, solidas in litteris
 progressionem promittunt, *Bonum cor* Gallico idiomate
 adumbrabit.



F. L. G.



II h
325

Inches
Centimetres
1 2 3 4 5 6 7 8 9 10 11 12 13 14 15 16 17 18 19 8

B.I.G.



Farbkarte #13

AD
OFFICIUM SUPREMO NUMINI
PRO
TIONE NUPTIALI
A
SIMO PRINCIPE AC DOMINO
DOMINO
DOVICO
HEREDE NASSOVIAE
COMITE PONTIS SARAVI REL
CVM
SIMA PRINCIPE AC DOMINA
DOMINA
ELMINA SOPHIA
LEONORA
E SCHWARZBURGI REL
AC SOLLEMNITER CONSUMMATA
NOSTRO DIE 27th NOV. PRAESTANDVM
TO. EXCELLENTISS. SACRI SENATVS
ENDIDISSIMVM MAGNIF. PRAENOBILISS
ENERABILES CETEROSQ. FAVTORES
ET AMICOS
PRO EO AC PAR EST
INVITAT
SERTO CONNUBIALI
QVAEDAM PRAEFATVS
RIDER. NIC. VLRICH
GYMN. FRIDERICIANI DIR
OLI, LITTERIS HERED. LOEWIANOR

